

АПРЕЛЬТЬ

20-це шистонза 1941 кизоня

45 (1841)

ПИТНЕЦ 10 тр.



Комсомолю Вайгяль

ВЛКСМ-нь Мордовский обкомъ и саранский горкомъ газетасна

ЛИСЕНДИ

9-це КИЗОСЬ

Адрессь: г. Саранск,
Советская ул., Дом печати.

Достойна васьфтемс пролетарский солидарностень праздникть

Минь республикань од ломатне, кода и марнек советский народь, деятельна аноклайхть международный пролетарский солидарностень праздникть—майть васьфтема.

Минь народоньконь, особенна сонь од поколениянц, стама традициясна, штоба эрь замечательнай датать васьфтемс хозяйствань сембе отраслятьне эса од производственной подаркаса, штоба лисемс тя праздникта ульцятнеди и площадтнеди, демонстрировандамс эсь сатфксенон, сянъ мезе ня сатфксене кандеть минь социалистический государствованьконь мощенц и могуществанц кемокстамаса.

Минь од ломаненьконди, конат касыхть социализмань паньчфу садса, сталинский шивалдь ала, аш мезевосада питни, кода заботась отечествовать колга.

Комсомолецне, советский од ломатне вожаксна, аф аньцек синь аноклайхть подаркат родинати праздникть честьс, но и келиста развертывают предмайский соревнованья работайхненъ, служащайхненъ, колхозникненъ ёткаса. Яркий примеркс танди ащи Саранск ошень хлебокомбинатста комсомолецт Кочетов ялгать работап. Сонь стахановский работань методонц коряс работайхть сембе работайхне. Аф стак хлебной цехсь, коса работай Кочетов ялгась, буквально эршина производственной заданиянц пашкотькшнеса сядода лама проценте и цебарь качества мархта.

Или вов сясваськ пенькокомбинатонь комсомолецненъ. Предмайский соревнованья производстваса васенда ушедозь синь и курокоп пингста распространили сонь сембе работайхненъ ёткова. Рольщикне Кручинин и Никишкин тя соревнованья вельде эрь шинь производственной заданиясн пашкотькшнесазь 130 и сядо лама проценте. Синь апрель ковста кемонь шиста сэкономили 10.000 киловатт час электроэнергия.

Котониннай фабрикань кар-

тоннай цехса комсомолкатне Мухина и Дружинина работань нормаснон эрь шиня пашкотькшнесазь 140 проценте.

Ковылкинский райононь «Объединение» промартелень швейной цехонь мастерсь М. Т. Балашова ялгась трудонь производительность кеподезе 125—130 проценте. Тяда башка Балашова ялгась максимую лезке од партнойхенди Кочина Антонина и Кузнецова ялгатнеди.

Сембе ня фактне корхтайхть минь од ломаненьконь оцю патриотизмаснон колга, конат работань любой участкаса аноктсембе од и од подвига прославить эсь родинаснон.

1941 кизонь майть васенце шинь анокламась ётни рядса большевистский тундань видемати анокламати мархта. Комсомолецне-колхозникне максихть оцю лезке партийнай и советский организациятнеди видемати и сонь вюрхкяня пингста ётафтоманц инкса образцовайста анокламаса. Синь шефствуют колхознай тяглать лангса, работайхть видмонь яровизацияса и работань лия ответственнай участкатне эса, штоба обеспечить тя кизоня оцю урожайнь получамать. Синь вятихть решительнай тюрема чистотать инкса, рдазть и захламмленность каршес, конат к сожалению нинге пия распространеннайхть лама колхозонь, постройкань и нльне правлений помещениятненъ ээга. Синь азонкшнихть и ётафнесазь эряфе СССР-нь СНК-ть и ВКП(б)-нь ЦК-ть мартть 13-це шинь постановленияснон.

Комсомолецне, сувамок предмайский соревнованья, должетт сатомс сянъ, штоба синь работайхть сядонга цебарьста, честнайста и оперативнайста. Корянкек машфтоме бюрократизмать и волокитать, кемокстамс трудовой дисциплина.

Школань и лия учебнай заведенийн комсомолецне должетт васьфтемс майнь васенце шить цебарьста и отличнайста тонафнезь.

ВЛКСМ-нь ЦК-са

ВЛКСМ-нь ЦК-сь решил ётафтомс массовой комсомольский кросс (соревнованья), конат посвященнайхть большевистский печатень шити. Странать южной районзон эса ня кроссе ётафневихть майть 3-це шистонза сывомок 18-це шинь самс, севернайхненъ эса—июнь васенце шистонза сывомок 15-це шинь самс. 9/

ВЛКСМ-нь ЦК-сь кемоктась положения массовой комсомольский кросств колга, кона посвященной большевистский печатень шити. Колхозненъ эса ВЛКСМ-нь организациятнеди мярьгф таргамс кроссети участянди сядо лама од ломань, конат аф ашихть комсомолса.

(ТАСС).

Аноклатама родинати подаркат

Тонафнемок ВКП(б)-нь XVIII-пе конференциять решениязон, «Дубитель» заводонь комсомолецне келпезь од ломатне ёткаса социалистический соревнованья трудонь производительность касфтоманц инкса.

Пашкотькшнемок лангозост сывф обязательстватненъ, лама комсомолец, кода Барминь, Киселевсь (электроцехста) и лият, эрь шинь нормаснон пашкотькшнесазь сядода лама проценте. Синь ётафнихть оцю работа сядо питни материалхненъ сядо цехса полафтомаснон инкса. Кода, например, оловать полафнесазь сядо аф дефицитнай металлса. Синь примерснон коряс ушедеть работата и ремонтнай цехста комсомолецневок.

Апрельть 15-це шистонза ушедеть тонафнема стахановский школаса ремонтно-механический мастерскойста комсомолецне.

Комсомолецне, анокламок майть васенце шинь, лихнесазь лангс работаса уликс аф сатыксненъ. Тяфта, например, комсомольский собранияс корхтамок экономиять колга, комсомолецне кемоста критиковандаз ремонтно-механический цехста токарьт Кашеваровь, конац подшипниконь точиндамста кафксть тись брак, а дежурнайсь слесарь Царьковсь эсь халатнай отношениянц сюнеда лихтезе стройста рубилкань моторть.

Тяка жа собранияс комсомолецне сывать обязательства—машфтомс нят аф сатыксненъ, анокламс майть васенце шинь честьс родинати од производственной подаркат и лихтемс заводт республикаса васенце предприятиятненъ ётка, а тья мархта максомс странати лама лишнай тонна таннид.

С. Сумовская.

3-Полянский район.

УЧЕНИКНЕНЬ ПОДАРКАСНА

Республиканский политпросветшколань комсомольский организациясь вяти деятельнай работа международнай пролетарский праздникти—1-це майти анокламаса.

Комсомольский организациясь марса школань военрукть Дивов ялгать мархта организовандасть учебнай группа 1-пе ступенень ВС, ПВХО и ГСО значокнеди нормань максомать коряс. Сембе группатненъ эса занятияне ётафневихть пия живойста.

Сембоц группатненъ эса тонафни 43 ломань, конат максеть вал, што синь ня значокнеди норматненъ максесазь майть 1-це шинь самс.

3. Вельмискин.

Краснослободск ош.

ПРЕДМАЙСКИЙ СОРЕВНОВАНИЯСЬ



Саранский махорочнай фабрикань цехста П. В. Сидорова стахановкась март ковста производственной заданиянц пашкодезе 117 проценте.

СНИМКАСА: П. В. Сидоровась работата станоконц ваксса.
Фотось Канифатьевть.

ВАСЕНЦЕ МАЙТЬ ЧЕСТЬС

Васьфтемс майнь васенце шить—международнай пролетарский солидарностень праздникть трудонь производительность нинге сядонга касфто-маса, продукциять качества нинге сядонга цебарьгофто-маса—вов мезьса тьяни озабоченнайхть хлебокомбинатонь сембе комсомолецне. Тянка синь сембе сывать эсь лангозост конкретнай обязательстват и ламось эздост ня обязательстватненъ пашкотькшнесазь цебарьста.

Вов кепотьксонди сясваськ

комсомолецт Кочетов ялгать бригаданц, конац эрь шиня производственной заданиянц пашкотькшнеса вельф. Мекольден пингть тя бригадась пятай ёфси аф тиенди брак. Работама васттнеди тить чистота и образцовай порядок.

Комсомолецс Журавлев, сувамок предмайский социалистический соревнованья, тить соответствующай рационализация.

М. Лукич.

Саранск ош.

ПЛАНЧФ ФЗО-НЬ ОД ШКОЛА

Теплый Стан. Апрельть 15-це шистонза деревообделочнай комбинатт клубсонза ульсь пия лама ломаньда. Пурометь вирень керыхне, стройса моразь састь фабрично-заводской обученийн школань тонафнихне. Синь пурометь торжественнай собранияс, конац посвященнай Теплый Станца ФЗО-нь 1 № школать панжеманиты.

Собраниять панжезе Мордовский АССР-ть трудовой резервань управления начальникоц Мишин ялгась.

Оцю мялса, аф лоткафтови аплодисмент ала, собраниясь кочказе почетнай президиуму ВКП(б)-нь ЦК-ть Политбюронц во главе Сталин ялгать мархта. Школать задачанзон колга

доклад тить ФЗО-нь 1 № школать директорон Ушаков ялгась.

Работайхненъ, вирень керыхненъ, возчикненъ, шоферхненъ эзда приветственной речь мархта выступандась МАССР-нь стройлесть трестонц управляющайц Говзмон ялгась.

Школать тонафниензон эзда ответнай вал мархта высту пандась Борисов ялгась.

— Партиять и правительствать заботаснон инкса минь отвечатама отличнай учебаса и стахановский работаса,—мярьгсь сон.

Собраниясь единомудна при мась сёрма Сталин ялгати.

Гимнастический соревнованиятненъ эса васенце вастть инкса!

Примась участия 509 ломань

Мельцаны. Комсомолецненъ гимнастический соревнованиятненъ на лыжной кросс кось этнихть ламода сядя цебарьста и организованнаиста. Васень кемонь шитненъ эзда гимнастический соревнованиятненъ эса примась участия 509 ломань.

Соревнованиятне аф калдяв результатт няфтсь Мельцанский средний школань комсомольский организациясь (секретарь Финагенова ялгась). Таса сембоц 74 комсомолецт эзда гимнастический соревнованиятненъ эса примась участия 70 ломань, конат сембе максозь норматненъ 1-це ступень ГТО-нь значокти.

Первичнай комсомольский организациятненъ ламошксна соревнованиятненъ аделазь ни. Малькеевка (секретарь Заюлин ялгась) и Н. Верченка (секретарь Шетнев ялгась) велень первичнай организациянь комсомолецне 8 упражнениатненъ коряс 1-це ступень ГТО-нь значокти норматненъ максозь 100 проценте. Тяфтама организацияда района лувондови аф кржа.

ВЛКСМ-нь райкомть секретарец Луиченкова.

КОМСОМОЛЕЦНЕНЪ САТФКССНА

Сире-Шайгова. Апрельть 16-це шинцты района гимнастический соревнованиятненъ эса примась участия 436 комсомолец и од ломань.

Соревнованиятне пях цебарьста этнихть Леткинский средний школань и Аксеев велень «Путь Ильича» колхознай первичнай организациятненъ эса. Ня организациянь комсомолецне сембе максозь норматненъ ГТО-нь значокти.

ВЛКСМ-нь райкомть секретарец Дуденков.



СНИМКАСА: Саранскийнь фельдшерско акушерский школань ученица Рита Селезнева тии упражнения турник лангса.

Фотось Веретениковть.

968 УЧАСТНИК

Торбеева. Апрельть 17-це шинцты района гимнастический соревнованиятненъ эса примась участия 40 комсомольский организация 724 комсомолец мархта. Аф калдявста примсхть участия соревнованиятненъ эса аф союзнай од ломаттне, конатненъ эзда лувондови 244 ломань. Участникненъ эзда ламось няфтть пях цебарь результатт, особенно Виндрейский и Малышевский школьный и С. Пичурань колхознай организациятненъ комсомолецна.

Вярде аф лувксть эзда паледа ламосна максозь 1-це ступенень ГТО-нь норматненъ.

Апрельть 20-це шинц самс соревнованиятненъ думондатама аделама педа-пес и нолдамс 1500 ломань.

ВЛКСМ-нь райкомть секретарец Степашкин.

Соревнованиятне этнихть организованнаиста

Рыбкина. Районца гимнастический соревнованиятненъ сембодонга цебарьста этафнесазь Рыбкинский средний школань комсомолецне. Тя организациясь апрельть 16-це шинцты соревнованиятненъ эса примась участия 84 комсомолец, конат норматненъ максозь пятай сембе.

Соревнованиятне пях организованнаиста этасть «8-е марта» и Ленинть лемса колхознай комсомольский организациятненъ эса. Ня организациянь комсомолецне сембе максозь норматненъ.

Эриви азомс, што ломаттненъ военнай тевети желаниясна пях оцю.

Апрельть 16-це шинцты района соревнованиятненъ эса примась участия 860 комсомолец.

Офтин,

ВЛКСМ-нь райкомть секретарец.

ОД ЛОМАТТНЕ ПРИМСИХТЬ АКТИВНОЙ УЧАСТИЯ

Инсар. Соревнованиятне пях успешнаиста этасть педучилищаса. Тоса соревнованиятненъ эса примась участия 250 ломань, конатненъ эзда лувондови 170 комсомолец. Федийкина и Чумакова ялгатненъ командасна гимнастикаса няфтть лучший образец.

Соревнованиятне оцю активность этнихть Кочетовка велень комсомольский организациясь. Тя организациясь (секретарь Кердякин ялгась) соревнованияса примась участия 64 комсомолец и колхознай од ломань.

Районца соревнованиятне этнихть пях активнаиста.

ВЛКСМ-нь райкомть секретарец Лосев.

ОД ПАТРИОТТНЕ

Пях пара мялест, мзярда эсь велестот лиси Советский Союзонь Герой, конанц мархта гордится аф анычек велесь, а марнек советский народсь. Минь эпоханьке стама: кажнай ломанць может улемс героикс и обязан улемс родинати преданнаикс. Кажнай од ломанць принц анокласы, штоба улемс полезнайкс социалистический строительстваса.

Сире Драка велень призывникне анокламок прыснон социалистический трудти и страдать оборонанцы, организован-

на этафнихть занятият. Велеса марнек 15 призывник. Синь мархтост избачсь Костин ялгась эрь шиня этафни строевой подготовка. Призывникне содасазь РККА-ть внутренняй службань уставонц и максозь норматненъ ПВХО-нь и ГСО-нь значокненди. Строевой подготовка коряс и теоретически сембода аноклафокс лувондови комсомолецне С. Ковровсь, П. Наумкинц и Черятаевсь.

Петрашин.

Ковылкинский р-н.

АФ КАДОМС ФКЯВОК МАЛОГРАМОТНОЙ ДОПРИЗЫВНИК

Сире Дерган велеса сембе допризывникне фатяфт тонафнемаса. Таса улихть малограмотнай допризывникт, конатненъ мархта школоть заведующай Столяров ялгась регулярна этафни занятият общеобразовательнай дисциплинатненъ коряс.

Тяда башка Столяров ялгась тиенди беседат международнай положениянь колга. Сон сясь обязательства, штоба призывти малограмотнай допризывникненъ нолдамс грамотнайкс.

Рыбкинский район.

Афонькин.

КОМСОМОЛЬСКАЯ АГИТКОЛЛЕКТИВ

Сире Рябки велень «Светлый путь» колхознай комсомольский организациясь пях оцю мяль шарфни колхозникненъ культослуживанияснонды.

Комсомольский агитколлективсь, конанц возглавляет комсомольский организациять секретарец Н. Ф. Якунин ялгась бригадава и звенава регулярна этафни беседат партиять и правительствать мекольденъ

решенияснон коряс.

Большевистский агитациясь образец няфнихть агитаторхне С. И. Лешев, М. Ф. Якунин, В. Т. Зайчиков ялгатне, конат колхозникненди аккуратна тиенди беседат международнай положениянь колга.

Кода правила, колхозникне беседатненъ кулхонкшнесазь оцю интерес мархта.

И. Матвеев.

Ст.-Синдровский район.

ПРИМЕРНАЙ ПОЧТАЛЬОН

П. Селища велеса нилеце кизось кода работай почтальонке Малин ялгась. Сон тя тева работай честна и добросовестна, корреспонденциять явондсы эсь пингстонза.

Малин ялгась вяти оцю работа читательхненъ эткса га-

зетатненъ распространенияснон коряс. Тянь вельде сатсь синь, што пцтай кажнай кудсь сёрматфни газетат. Цебарьста работаманц инкса Малин ялгась ламоксть ульсь премировандаф.

Вишняков.

3.-Полянский р-н.

Цебарьгофтомс пропагандистский работать

Мордовиянь комсомольский активсь и од интеллигенциясь серьезнаиста тонафнесазь «ВКП(б)-ть историянц краткай курсонц».

Республикаты эса 710 од ломань аделазь ВКП(б)-ть историянц тонафнеманц средний звенать коряс и кармасть тонафнема марксизм-ленинизмать первоисточниконь коряс.

ВЛКСМ-нь РК-нь, первичнай комсомольский организациянь лама секретарь стане жа аделазь ВКП(б)-ть историянц тонафнеманц средний звенать коряс и работайхть марксизм-ленинизмать первоисточниконь лангса.

ВЛКСМ-нь Б. Игнатовский РК-ть секретарец Малькин ялгась аделазь «Краткай куреть» тонафнеманц, тани работай Ленинонь и Сталинонь произведенийснон лангса. Сон сидеста тиенди од ломаттненди лекцият, докладт, кода «Что делать» Ленинонь книганц колга, «Ленин и Сталин, кода вооруженнай восстаниянь орга-

низаторхт», «Великай переломонь киза» и стак тов.

ВЛКСМ-нь Zubovo-Полянский РК-ть секретарец Кондратьев ялгась систематически работай марксизм-ленинизмать классикненъ произведенийснон лангса. Комсомолецненди и од ломаттненди Кондратьев ялгась тись кемоньда лама лекция международнай положениянь колга, а стане жа лекцият ВКП(б)-ть историянц и СССР-ть историянц коряс.

Регулярнаиста тиенди лекцият и докладт од ломаттненди Лосев ялгась, — ВЛКСМ-нь Инсарский РК-ть секретарец, Офтин ялгась, — Рыбкинский райкомть секретарец, Колянов ялгась, — ВЛКСМ-нь Атяшевский РК-ть секретарец и лият, конат эрь шиня касфнесазь эсь содамашиснон.

Б.-Игнатовский райононь Горский средний школань преподавательсь-комсомолец Пятинев ялгась нинге январьста 1940 кизоня аделазь «Краткай куреть» тонафнеманц и сидеста велень интеллигенцияти и кол-

хознай од ломаттненди тиенди лекцият и докладт исторический, антирелигиознай и лия темас. ВЛКСМ-нь Саранский РК-нь агитациянь и пропагандань комиссиять председателец Ерофеев ялгась тись лекция районнай комсомольский активти, Зыково, Атемар и лия велень од ломаттненди коммунистический моральть колга и лама лия кизефконь коряс.

Краснослободский районца межрайоннай колхознай школыса первичнай комсомольский организациять секретарец Можина ялгась «ВКП(б)-ть историянц краткай курсонц» тонафнеманц мархта тонадозень Ленинонь произведенийснон — «Что делать», «Что такое «друзья народа» и как они воюют против социал-демократов», «Шаг вперед, два шага назад».

Первичнай комсомольский организациянь секретарь Дредитов ялгась (Ладский р-н) аделазь «Краткай куреть» тонафнеманц средний звенать коряс и работай первоисточникненъ

лангса, сидеста тиенди докладт и лезни эсь организациянь комсомолецснонды партиять историянц тонадомаса.

Комсомолонь Краснослободский райкомонь пропагандань и агитациянь комиссиясь систематически тиенди ВКП(б)-ть историянц тонафниензонды лексонди лекцият и консультацият, комиссиянь четтне эрь шиня тиенди лекцият, беседат первичнай комсомольский организациятненъ эса. Пропагандистский работати таркесазь учительствань и интеллигенциянь лучшай виыхненъ.

Комиссиянь четтне и комсомольский активсь Инсарский районца райпентрань и колхознай организациянь комсомолецненди тисть 40 лама лекция: 7 лекцият тифт ВКП(б)-ть историянц коряс, 6 лекцият — антирелигиознай темас, несколько лекция — комсомолть историянц колга.

Аф калдявста организоваф пропагандистский работась Zubovo-Полянский районца.

Ряцок сатфксненъ мархта улихть и лама аф сатыкста. Например, комсомолецненъ эзда, конат тонафнесазь самостоятельна «Краткай куреть», нин-

ге 50-шка процентсь работайхть 3—4 главатненъ лангса. Улихть лама комсомольский активист, конат агитировандайхть ВКП(б)-ть историянц тонафнеманц инкса, а синць эсь лангсост работайхть пях калдявста. Тяфтапненъ лувксс суви ВЛКСМ-нь Ардатовский РК-ть секретарец заместителец Прикинась, конат мянь тичимс тонафнесы «Краткай куреть» васенце главани, эфеи аф лувонды художественнай литература. Калдявста работайхть эсь лангсост ВЛКСМ-нь Торбеевский и Козловский райкомонь секретарьхне Степашкин и Щемеров ялгатне.

Комсомолонь лама райкомт калдявста нинге контролироваандакшнесазь комсомолецненъ ширде ленинизмать основатненъ самостоятельна тонафнемаснон. Тя тева аф няфнихть инициатива и райкомтненъ и горкомтненъ видеса агитационно-пропагандистский работать коряс комиссиятне.

Комсомолецненди и аф союзнай од ломаттненди, конат самостоятельна не могут тонафнемс «ВКП(б)-ть историянц краткай курсонц», организоваф кружок политграмо-

Урожайть и животноводствать продуктивностенц касфтоманц инкса

З.-Полянский районень колхознень ээга обсуждандакш-несазь «МАССР-ть ээга сельскохозяйственной культуратненъ урожайностен и животноводствать продуктивностенц касфтомаснон инкса колхозникненъ трудснон инкса дополнительнай пандомать колга» СССР-нь Совнаркомть и ВКП(б)-нь ЦК-ть постановлениснон. Колхозне и башка колхозникне тя мероприятия эряфе ётафтоманц инкса сорев-

новандайхть. П.-Селищенский сельсоветонь «Красный борец» колхозсь соревновандай Каргальский сельсоветонь Ворошиловть лемса колхозть мархта. «Красный борец» колхозть звеноводоц Бычков ялгась сявсь обязательства, штоба тяде получамс зерновой культураса урожай эрь гектарста аф 13 центнерда кржа.

В. Вишняков.
Зуб.-Полянский р-н.

ОБЯЗАТЕЛЬСТВАНЬКЕ УЛИ ПЯШКОТЬФ

Обсуждандамок «Мордовский АССР-ть ээга сельскохозяйственной культуратненъ урожайностен и животноводствать продуктивностенц касфтомаснон инкса колхозникненди труднокса дополнительнай пандомать колга» СССР-нь Совнаркомть и ВКП(б)-нь ЦК-ть постановленияснон, «Активист» колхозонь колхозникне сувасть сопсоревнованияс и сявсь обязательства: цебарь качества мархта аделамс тундань видемать и эрь гектарста сембе зерновой культуратненъ коряс

сявоме 14 центнер сёра. Касфтомс животноводствать продуктивностенц.

Ня обязательстватненъ пашкодема колхозникне ушедсть ни. Тяся колхозть сельскохозяйственной инвентарец и видмотне кунаракиге анокт ни видемати. Алашатненъ упитанностьсна средный и вышесредный, колхозсь организовандас постоянный звенат, конат эсь ёткост тифта жа соревновандайхть.

Кудашкин.
Краснослободский р-н.

УЧЕНИКНЕНЬ ИНИЦИАТИВАСНОН АШЕЗЬ КИРДЕ


Нинге талонда Ичалковский средный школань комсомолечне и пионерхне проявили исключительна ценная инициатива — лездоме колхозти оцю урожаень получамаса. Тя тевса школась сявсь шефства Ленинть лемса колхозть лангса (Ичалковский с-совет). Сить кочкесеть колхозти местнай удобрения и стак тов.

Сембоц сить кочкасть 3 тоннат кулу и саразонь помет. Особенна цебарьста работась комсомолець Чернышев ялгать группак. Сить якасть колхозникненъ кудга и кочкесеть кудуфт.

Но эряви азомс, што колхозть

руководствац безобразна калдыста поддержал ученикненъ тя инициативаснон. Сить кочкаф куринай пометснон марамс помещения ашеть макс, кочкаф кулуфненъ 2 неделят кирнезь ловть ала, мезень сюнеда сить юафтозв качестваснон. И удивительна ся, што аф ВЛКСМ-нь райкомсь, аф районнай лия организациятне эсь пингстонза ашеть лезда ученикненди; ашеть прима кодамовок мерат тя колхозть руководителенз мархта, конат кирнесазь школьникненъ инициативаснон.

Москатов.



Рузаевский Железнодорожный училищать машинистонь помощниконзон 5 № краснознаменный группак работай слесарнай тискатненъ ваксса.

Фотось Канифатьевть

Краснознаменный класст

Сире-Синдровский средный школань сембе классне колмоце четвертьста оцю работа ётафть эсь лангзост сявф обязательстватненъ достойнайста пашкодемаснон инкса.

Нят шитненъ эзда социалистический соревнованиянь договорхненди тифт итокт, конат няфтезь, што школаса иттенъ коммунистический воспитанияснон коряс васенце вастть занязь 9 и 10-це классне, конат-

ненди и максф школьной переходящай Красной знамься.

Ня классненъ эса улихть аф кржа ученикт, кода Сизов Горкась, Андриянов Ванясь, Исайкина Наташась, Каштанов Степанць (10-це класс), Мишанин Димась, Леднева Катясь и Бряжнев Гришась (9-це класс), конат тонафнихть аныцек отличнайста.

П. Базайкин,
И. Алешин.

Заметкат школьной эряфть колга

Од Ямскойнь НСШ-ста (Пурдошанский район) Цибизов ялгась пачфни, што тоса испытаниятненди кодамовок анокламань работа аф вятевти. Материалть пиледа ламоц нинге апак ётак.

Конешна, ламода аф тяфта ащи тевсь лия школатненъ эса, коса учительхне и дирекциясь иттенъ воспитанияснон инкса марий эсь лангсозна

полной ответственность. Вов, Левжа велеста (Рузаевский район) Адмакин ялгась сёрмады, што сить школасост директорсь Канайкин ялгась цебарьста аноклай испытаниятненди.

Тяда башка, Канайкин ялгась, анокламок испытаниятненди, шарфтьс оцю мяль ученикненъ дисциплинаснон ширес.

Тонафнемс сить лацост

Кудашкин Санясь тонафнема кизоть васенце четвертенц эзда эсь инголенза путнесь задача — тонафнема кизоть аделамс аныцек отличнай оценка. Санясь эсь валонц кирдысь. Сон тонафнема кизоть колма четвертензон пингста тонафнесь отличнайста.

Санясь Патякш веленъ сембе школьникненди тяфта жа няфни дисциплинированностень и вежливостень образец. Сон пяк дисциплинированный и тя тейнза лезды отличнайста тонафнемати.

Санясь тани сембе виинзон мобилизовандазень 4-це четверть — тонафнема кизоть отличнайста аделаманты.

Т. Кудашкин.
Краснослободский р-н.

КЕЛЬГОЗЬ ГИМНАСТИКАТЬ

Лац шарьхкодезь и кельгозь гимнастикать Колапань аф полной средный школань комсомольский организациянь комсомолечне. Гимнастический упражнениятненъ ётафомс кемокстаф физкультурань преподавательсь И. А. Головановсь, конац оцю мяльса комсомолечненъ ёткас вяти занятия. Комсомолечне сявсь обязательства: анокламе пряснон достойнай боепокс Якстерь Армияв и любовай минутаня араме родинаць граничанзон аралама.

Вельмискин.
С.-Синдровский р-н.

Юннаттненъ работасна

Цебарьста оборудовандаф биологический кабинетса Ачадовский средный школань 5—6 классненъ эзда 10 пионерхт работайхть юннатонь кружокса.

Март и апрель кофненъ эзда юннатне лувозь «Валда эряф» колхозть видьмонзон хозяйственной годностьснон.

Юннатне провериядзь колхозть анокламанц тундань видемати и мусть 5-це № бригадса клеверонь начка видмот. Юннаттненъ указанияснон коряс ня видьмотненъ мельге ладаф надзор и уход.

В. Данакин.
Ширингушский р-н.

тать и партиять историянц коряс.

Республикаса ВЛКСМ-нь райкомтне организовандасть 52 кружок ВКП(б)-ть историянц тонафнеманц коряс, коса тонафнихть 650 комсомолец и 700 лама комсомолец кулхонкшнихть лекцият партиянь райкомтненъ, горкомтненъ ширде организовандаф кружокненъ эса. 1.200 комсомолец, конатненъ аш начальнай образованиясна, тонафнихть малограмотнайнь школаса. Организовандафт политграмотань 422 кружок, коса тонафни 5.345 комсомолец. Ня кружокненъ эса улихть общеобразовательнай предметт. 35 начальнай политграмотань кружокне аделазь программат.

Лама кружок регулярна ётафнихть занятият. Пермьсь велеса (Б.-Березниковский район) кружоксь аделазе «Краткай курсть» сембе 12 главанзон. Тани сить тонафнесазь сяда глубокайста, использовандамок первоисточникненъ. Регулярнайста моли работац политграмотань кружокть Буденныйть лемса колхозса (Зубово-Полянский р-н), коса пропагандистокс работай Лемин ялгась. Сон занятиятненъ эса

использовандакшни нагляднай пособият, цебарьста аноклакшни занятиятненди. Кружокса кулхондыда 18 ломань, сить сембе аф калдывста содасазь ётаф материалть. Цебарьста работай кружоксь куйбышевть лемса колхозса (З.-Полянский район), коса руководителкс работай Привалов ялгась. Мельчанский районаца, Ингер-Пятина велеса политграмотань кружокть руководительс Глазков ялгась, сявомок октябрь ковета, ётафтьс 15 занятия. Сон маштозь использовандакшни нагляднай пособият. Тя кружокса стане жа тонафнихть общеобразовательнай предметт.

Аф калдывста работайхть кружокне Рльниковский, Ковылинский, Ичалковский и лама лия районга. Но улихть аф кржа факт, мзярда пропагандистне ётафтьс слушательхненъ мархта аныцек 1—2 занятия. Аф удовлетворительнайста работайхть политграмотань кружокне Торбеевский, Ширингушский, Ардатовский райоттненъ эса, занятиятне ётафневихть аф регулярна, а лама кружкова ёфси аф ётафневихть.

Ряцок комсомолса пропагандистский работай общей це-

барьгодоманц мархта, эряви азомс, што комсомолонь райкомонь кой-кона руководящай работникне, пропагандань и агитациянь комиссиятне мянь таниненъ пингс ашеть кярмодь кода эряви од ломаттненъ идейно-политический воспитанияснон коряс работати. Торбеевский районаца 300 комсомолец апак фатякт политический учебаса, а пропагандань и агитациянь комиссиясь кодамовок работа аф вяти. Стане жа Рузаевский районаца апак фатякт политический учебаса 200 лама комсомолец.

Калдывста работай ВЛКСМ-нь Дубенский РК-нь пропагандань и агитациянь комиссиясь. Комиссиянь четтненди кодамовок порученият аф максевихть. «ВКП(б) нь историят краткай курсонц» самостоятельна тонафниензонды кодамовок лезке аф максевеи.

Оцю аф сатыксокс ащи ВЛКСМ-нь ГК-нь и РК-нь пропагандань и агитациянь отделхненъ работасна ся, што мянь тя пингс 2000 лама комсомолец апак фатякт политический учебаса. Комсомолонь горкомтне и райкомтне аф сатомшкаста контролировадкшнесазь кружокненъ рабо-

таснон партиять историянц и политграмотать тонафнеманц коряс, кржа максихть тейст лезкста.

Комсомолонь райкомтненди эряви курокона по-настоящему ладамс пропагандистский работать комсомолечненъ и аф союзнай од ломаттненъ ёткас. Ладамс комсомольский активонь курсненъ работаснон стане, штоба слушательхне тоста лисельхть сембе полноценнай работникокс.

Эряви вишконтме пропагандать экономический кизефкесненъ коряс, конатненъ лангс оцю мяль шарфтьс 18 партконференциясь.

Комсомолонь райкомтненъ работаса оцю васта должен задыамс военной работась, сить должетт анокламе Якстерь Армииоти стама боецт, конат уделхть грамотнайхть политически и закаленайхть физически.

Я. САЗАНОВ,

Пропагандать и агитациять коряс ВЛКСМ-нь Мордовский обкомть секретарец.

СТАРШАЙ ПИОНЕРВОЖАТАЙХНЕНДИ ЛЕЗКСОНДИ

3. ВОЕННО-ФИЗКУЛЬТУРНАЙ РАБОТАСЬ

А. Строевой подготовкась

а) Одиночной подготовкась: стройсь, шеренгась, интервалсь, дистанциясь, флангсь. Основной стойкась («становись», «равняйся», «смирно»). Фля васта и молема шаркнематне, стройста лисемась и стройти мрдмась. Перебешкатне и переползаньясь.

б) Звенаса и отряда подготовкась: развернутый стройне, фля шеренгаса, кафта шеренгаса звенать и отрядть строяма. Васенцесь, омбоцесь и номерхень порядкаснон коряс расчесь. Фля васта и движения шаркнематне. Шагса и ласккозь движениясь. Походный стройне: фля колоннаса, кафта, нилеса, звенаса.

в) Торжественной обещания максомась и знамя лихтема. Рапортонь максомась. Фля васта и молема приествияне. Отрядсь парадса. Командань максомась.

Литература:

РККА-нь пехотать строевой уставоц, I, II и III главатне.

«Вожатый» журналиста статьяне: «Пионерский отрядсь стройсь», 1940 кизонь 17 № са, «Пионерский звенась стройса», 1940 кизонь 23—24 №№ са.

Б. ВОЕННОЙ ПОДГОТОВКАНЬ ЭЛЕМЕНТНЕ, СВЯЗЬ И ТОПОГРАФИЯСЬ

а) Разведкась, сонь назначениц и видонза. Разведчикть обязанностенза. Разведывания техника. Маскировка правиланза. Донесенияне составландамасна.

Наблюдательть, связнойть и часовыйть обязанностенза. Окопнь шувомась. Самоокапываниясь.

Зрительнай памятеь касфтомань, сообразительностень налхксематне и стак тов.

б) Морзеть азбука. Флажоконь и ключень коряс ичкозде передачась. Почтовый гуленянь водямать колга основной сведенияне.

в) Топографический условный знаке. Численный и линейнай масштабсь. Картать лувомац и местностьса сонь ориентирования: шить, ковь и тяшттне коряс ориентированиясь. Глазомернай и маршрутный съемкась. Кифтома азимутонь коряс закрытай вастова молемасть.

Литература:

РККА-нь пехотать боевой уставоц, I паялкссь, II главась.

«Начальной военной подготовкась 1940 кизонь СССР-нь НКО-ть издания, 5 главась.

«Пионерть и школьникть военной тевса спутникоц» — авторсь М. Зонегин, СССР-нь Осоавиахимонь ЦС-ть издательства, XII, XVI, XVIII, XIX главатне.

«Вожатый» журналиста «Военная топография» статьясь, 1940 кизонь 1 №-са, «Разведчикть мастерствац», 1940 кизонь 3 №-са, «Кода тонафтомсь пионерть военной разведкать содама», 1940 кизонь 22 №-са.

В. Противовоздушной оборонась и васенце лезкссь

а) Тылса авиациять мархта примсевич нападениянь средстватне и способне. Боевой отравляющей веществатне, синь свойствасна и внешний признакснон коряс содамасна.

Тылса противовоздушной средстватне и организовандаматне. Противохимический защитань средстватне: противогазсь, защитнай одежась, убежищась и эрямань помещенияне убежищанди приспособлениясна. Пожархень каршес тюремань средстватне и способне: противопожарнай защитай предопредительнай меранза. Эрямань кудть, школать противовоздушной оборонач (светомаскировкась, самозащитань школьной группась). Авиабомбатнеь эзда простейшай укрыванияне оборудованасна.

б) Газса отравляндамса, токамса, растяженияста, веронь шудемса, кядень-пильгонь веландемса, пакарен тапамста, пимста, псинь и шинь ударста, зендамста врачта инголе васень лезкссь. Врачта инголе васень лезкссь ваййти, модаса и ловса валяфти, обморкс прафти, токс повфти и сельмос или пилес соронь повомста васень лезксонь максомась. Пострадавайнхень кандомасна и сотнемасна. Физкультураса занимадайнхень гигиенасна и самоконтрольсна.

Литература:

Начальной военной подготовкась, III и IV главатне. «Военный тевса пионерть и школьникть спутникоц», VI и VII главатне.

«Вожатый» журналиста «Санитарнай командатнеди лездомась» статьясь, 1940 кизонь 2 № са.

«Вожатый» журналсь 1941 кизонкса.

Г. Физкультурась и спортсь

а) «Будь готов к труду и

обороне» и «Готов к труду и обороне» значокенди норматненъ разборсна. Звенаса и отряда пионерхень анокламасна норматненъ максомаснон ды. Эрь шинь физкультурнай зарядкась. Легкоатлетический занятияне. Отрядса гимнастикать и легкой атлетикать коряс соревнованияне. Физкультурнай площадкать оборудованяц.

в) Лыжатне. Лыжаса якмань разнай способне: шаркнематне ровнай и пересеченнай вастова, молемань техникась. Панда прятса валгомась, панда пряс купемась. Лыжань кочкамась и лыжатнеь мельге уходсь. Одеждац и обувоц лыжникть. Эндамать эзда ванфтомась.

в) Уендемась. Кроль или брасс стильса уендемась. Уендема тонафтомань приемне. Вайить таргамста и усомста приемне. Ведьти комотнемась.

Литература:

«Всесоюзнай физкультурнай комплекс», «Ульхть аноктрудти и СССР-ть оборонанцы», «Начальной военной подготовкась, III главась.

«Вожатый» журналиста «Физический культурац кельгоманц колга» статьяне, 1940 кизонь 7—8 №-са, «Пионерхень физический закалкасна», 1940 кизонь 21—№-са, «Звенаса и отряда талонда физкультурась», 1940 кизонь 20 №-са, «Вожатый» журналсь 1941 кизонкса.

Д. Налхксематне

а) Подвижной налхксематне звеневонь и отряднай сборхенди (младшай и старшай пионерхенди).

б) Спортивный налхксематне. Налхксематнеь правиласна, судействасна (футболть, баскетболть, волейболть, городокть).

в) Военизированной маскировкань, разведкань, оборонань, наступлениянь коряс местностьса налхксематне.

Литература:

«Пионерский лагерсь», издаде «Молодая Гвардия» издательствась.

«Вожатый» журналсь, «Разведчикнеь налхксемасна», 1940 кизонь 13 № са.

Е. Пионерский отрядонь и звенань похоттне

а) Похоттнеь видсна — линейнай, эстафетнай, звезднай.

б) Маршрутть разбокатца, участикнеь анокламасна, (снаряжениясь, обязанностнеь явондомасна, походть режимоц и походнай эряфсь, костеронь кривастемась, очагонь тиёмась, пицань анокламась, лагерть явошнемась).

в) Походть цеель: крайть тонафнемац (исторический прошлаец, природнай козяшинза, дикай хозяйственно-ценнай растениянеь разведкасна, районть социалистический строительствоц и стак тов).

Кинь дневниксь. Краеведческий материалхень кочкамасна, зарисовкат, фото, фольклорт образонзон кочкамасна и стак тов.

ЛИТЕРАТУРА:

«Туристть спутникоц» «Физкультура и спорт», изд. 1940 кизонь 13 №-са и «Поход — эстафета», 1939 кизонь 6 №-са.



СНИМКАСА: Де Голль генераль французский туземнай кавалерияц Ливиянь фронтса. Фотось ТАСС-ть.

ЕВРОПАСА И АФРИКАСА ВОЙНАСЬ

(Апрельть 17-це шистонза военной действиянь дневниксь)

Балканский фронтса, Югославиясь молихть бойхть Сараево ошть районца. Германский войскане, корхтати командованиять сводкаса, синдезь ты районца югославский войсканеь сопротивленияснон. Итальянский войскане паштеть инголи албано-югославский границиать ширде север шири и заняць Антивари и Цетинье ошнень (синь ахичть афичкозе границиать эзда).

Фронтть греческий участкасонза германский войскане заняць Сербия пунктть (Севернай Греция). Греческий газетатне пачфнихть, што апрельть 15-це шистонза союзникнеь войскасна потасть од позициянеди Апрельть 14-це шистонза ушетф Западнай Македониясь бойхне — полнай разгарсот. Центральнай Македониясь грекне тюрхить пяк упорнайста и тиендихть германский войсканеди оцю ущерб.

Ассошиэтед Пресс агентствать корреспондентоц пачфни, што Сербиять эзда юг ширеса фронтть эса германский пехотать аф удачнай массовой атаканзон пингста, конат мольтфевсть танкатнеь лезксонь вельде, немецне юмафтеть примерна 2 дивизият, но сембе сяка атакатнеь синь ашезь лоткафта. Корреспондентсь корхтай, што Сербиять эзда запад ширеса пуроптф, примерна, 10 германский дивизият.

Албаниясь итальянский войскане заняць Киаффе ушель (Корча ошть эзда юг ширеса). Итальянский сводкать эса корхтати, што итальянский армиять частенза пяк вишке бойда меле заняць Кисура ошть (Южная Албания).

* Апрельть 17-це шини каршаветь германский военно-воздушной вийхне тисть оцю налет Лондонть лангс. Германский авиациять пяк лама эскадрильянза ёрьсть фугаснай и зажигательнай бомбат апак лотксек веньберф. Ассошиэтед Пресс агентствать корреспондентоц пачфни, што Лон-

донть лангс ты налетсь ульсь сембода ожесточеннайке войнать ушedomстонза сявомок. Ошть и сонь окрестностензон эса тифт пяк оцю разрушения.

Апрельть 17-це шини каршаветь английский бомбардировщикне тисть налет ся аэродромтнеь лангс, конат ахичть Севернай Франциять территориянц лангса. Сяка жа веть английский авиациять соединениянза атакондазь Бременть, Вильгельмсхафенть, Куксхафенть (Западнай Германия).

* Вишкомсь английский флотть активностец Средиземнай моряса. Английский военно-морской вийхне, конат мольтфихть операций Средиземнай морять Запад ширесонза, кода пачфни Рейтер агентствась, апрельть 16-це шини каршаветь тисть нападения итальянский суднань караванть лангс. Караванть сембе вете пароходонза и колма эсминце, конат аралакшнесь ты караванть, ваяффт. Стефави итальянский агентствась азондозе, што ты сообщениась аф виде.

Севернай Африкаса операцияне молихть ливийско-египетский границиать лангса, Соллум портть районца. Кода сёрмады «Ньюс кроникл» английский газетась, английский войскане, конат мольтфихть бойхть Севернай Африкаса, путнесазь сембе вийсон сянди, штобась пингстонза пуроптомс сатомшка танка и орудия и лоткафтомс немецнеь шаштомаснон. Газетась лувондсы, што Африкаць инкса сражениясь Англиясь не должен проиграть, сяс мес ты сражениять итогоч может тиёмс калдяв последствия.

Восточнай Африкаса английский войскане стаки потафтсазь итальянский частьнеь. Кода пачфни английский командованиясь, Абиссиниясь тяни лувондови приблизительнона 76 тежянь итальянский войска. (ТАСС).

Ответ. редакторсь
И. ЧУДАЙКИН.



А. С. Пушкинт лемса Саранскийн библиотекас, детский читальнай залса ученикне выбирают книгат. Фотось Канифатиевть.